



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCCX. ad annum MLXXIII.

**Parisiis, 1644**

Edgari Regis Anglorvm Charta De Osvvaldes-Lavv, hoc est, De eiiciendis clericis vxoratis & introducendis monachis.

**urn:nbn:de:hbz:466:1-15625**

EDGARI REGIS ANGLORVM  
CHARTA DE OSVVALDES-LAVV,

hoc est,

*De eiiciendis clericis uxoratis & introducendis monachis.*

**A**LTI TONANTIS Dei largiflua clementia, qui est Rex regum & Dominus dominantium, ego Edgarus Anglorum basileus, omniumque regum insularum Oceani quæ Britanniam circumiacent, cunctarumque nationum quæ infra eam includuntur, imperator & dominus, gratias ago ipsi Deo omnipotenti regi meo, qui meum imperium sic ampliavit & exaltauit super regnum patrum meorum, qui licet monarchiam totius Angliæ adepti sint, a tempore Æthelstani, qui primus regum Anglorum omnes nationes quæ Britanniam incolunt sibi armis subegit, nullus tamen eorum ultra eius fines imperium suum dilatare aggressus est. Mihi autem concessit propitia diuinitas, cum Anglorum imperio omnia regna insularum Oceani cum suis ferocissimis regibus vsque Noruegiam, maximam partem Hiberniæ, cum sua nobilissima ciuitate Dublinia, Anglorum regno subiugare: quos etiam omnes meis imperiis colla subdere, Dei fauente gratia, coegi.

Æthelstanus primus monarcha Angliæ.

Edgarus ultra dominatur.

Quapropter & ego Christi gloriam & laudem in regno meo exaltare, & eius seruitium amplificare, deuotus disposui: & per meos fideles fautores, Dunstanum videlicet archiepiscopum, & Athelvvoldum ac Osvaldum episcopos (quos mihi patres spirituales & consiliatores elegi) magna ex parte, secundum quod disposui, perfeci, &c.

Siquidem temporibus antecessorum meorum regum Anglorum monasteria, tam monachorum quam virginum, destructa, penitus reiecta in tota Anglia erant, quæ ego ad Dei laudem pro remedio animæ meæ reparare, & seruorum & ancillarum Dei numerum multiplicare deuoui. Et ipsis supradictis meis cooperantibus strenue annitentibus, iam quadraginta & septem monasteria cum monachis & sanctimonialibus constitui; & si Christus vitam mihi tamdiu concesserit, vsque ad quin-

Monasteria pene deleta per totam Angliam reficit.

Constituit 47. monasteria, & quinquagesimum spondet.

quagesimum \* remissionis numerum meæ deuotæ Dei munificentia oblationem protendere decreui. \* id est, iubilæi

Osvwaldus  
episcopus  
clericos v-  
xoratos eii-  
cit Vvigor-  
nia.

Rex hoc  
confirmat  
immutabi-  
liter.

Vnde nunc in præsentî monasterium quod prædictus reuerendus episcopus Osvwaldus in sede episcopali Vvigrecestre in honore sanctæ Dei genetricis Mariæ amplificauit, & eliminatis clericorum naniis & spurcis lasciuuis, religiosi Dei seruis monachis meo consensu & fauore \* consultus locauit, ego ipsis monasticæ religionis viris \* et. sus. fultus regali auctoritate confirmo, & consilio & astipulatione principum & optimatum meorum corrobore & configno. Ita vt iam amplius non sit fas neque ius clericis reclamandi quidquam inde; quippe qui magis elegerunt, cum sui ordinis periculo & ecclesiastici beneficii dispendio, suis vxoribus adhærere, quam Deo caste & canonice seruire. Et ideo cuncta quæ illi de ecclesia possederunt, cum ipsa ecclesia, siue ecclesiastica, siue sæcularia, tam mobilia quam immobilia, ipsis Dei seruis monachis ab hac die perpetualiter regie munificentia iure deinceps possidenda trado & configno, ita firmiter, vt nulli principum, nec etiam vlli episcopo succedenti, fas sit aut licitum quidquam inde subtrahere aut peruadere, aut ab eorum potestate furripere, & in clericorum ius iterum traducere, quamdiu fides Christiana in Anglia perdurauerit, &c.

Datio.

Facta sunt hæc anno dominicæ incarnationis DCCCCLXIV. indictione VIII. regni vero Edgari Anglorum regis sexto, in regia vrbe quæ ab incolis . . . . . nominatur; in natali domini, festiuitate sanctorum innocentium, feria quarta.

#### SVBSCRIPTIONES.

Ego *Eadgar* basileus Anglorum, & imperator regum gentium, cum consensu & principum & archiepiscoporum meorum, hanc munificentiam signo crucis corrobore.

Ego *Alfrith* regina consensi, & signo crucis confirmaui.

Ego *Dunstan* archiepiscopus Dorobernensis ecclesiæ Christi consensi & subscripsi.

Ego *Oscitel* archiepiscopus Eboracensis ecclesiæ consensi & subscripsi.

Ego *Alferic* dux.

Ego *Bruthnod* dux.

Ego *Aridgari* dux.

VITA